



PNDS

Hamutuk Ita
Dezenvolve nasaun

Julho 2015

Komunidade Partisipa iha Enkontru Aprovizionamentu

Suku 202, Implementa Programa PNDS, Tama ona Prosesu Enkontru Aprovizionamentu no Mobiliza Trabalhador

Implementasaun Programa Nasionál Dezenvolvimentu Suku (PNDS), iha suku 202 iha faze III nian hahú hala'o ona prosesu aprovizionamentu no mobilizasaun trabalhadores, Enkontru aprovizionamentu no mobilizasaun trabalhadores nudar atividades ba dahuluk antes hahú konstrusaun.

Objetivu fundamental husi enkontru aprovizionamentu ida nee mak oinsá bele orienta comunidade sira utiliza fundus PNDS tuir prinsípiu husi mata dalan aprovizionamentu no regras finanseiru ninia, atu nune'e bele garantia transparansia no akontabilidade. Espesifikamente iha prosesu aprovizionamentu ida ne'e nakloke ba comunidade tomak liu-liu comunidade sira iha Suku. Iha prosesu aprovizionamentu Ekipa implementasaun Programa (EIP) sei halo planu hodi defini métodu aprovizionamentu tuir Manual Implementasaun Projeitu no Manual Operasaun Finansas PNDS nian. Bain hira finaliza BoQ no asina ona akordu ba implementasaun projeitu, signifika katak halo ona pedidu ba transferensia fundus Suku ninia, karik fundus tama ona iha konta bankária Suku, EIP sei halo analiza ba fundus hirak ne'e, no hahú distribui pedidu kuotasaun ba fornecedor sira hodi hein durante semana ida, hafoin ida ne'e EIP sei akompañia husi Fasilitador Finansas Postu Administrativu sei halo enkontru iha nivel Suku hamutuk ho comunidade (KPA no nia membru tomak) hodi loke no avalia ba pedidu kuotasaun hirak ne'e, atu nune'e bele deside hamutuk kompañia lokál ida ne'ebé mak atu sai hanesan manán na'in hodi sai hanesan fornecedor ba materiais konstrusaun tomak programa ninia ba iha Suku.

Komunidade Area Rural Hetan Benefísiu Husi Implementasaun Programa PNDS

“Antes ne'e, postu klínika ida ne'e labele atende inan isin rua atu partus tanba facilidade la iha, ami tenke ba to'o iha paciente nia uma hodi atende paciente sira liu-liu ba inan isin rua, maibé agora inan isin rua bele partus iha klínika ida ne'e tanba iha ona facilidade”, Francisco Xavier dos Santos, Enfermeiru iha Suku Lissadila.

Ancelmo Fernandes, hanesan lider komunitáriu apresia tebes ho programa PNDS, tanba liu husi programa ida ne'e fó duni benefísiu ba nia comunidade nomós comunidade sira husi Suku viziñu.

“Uluk liu, klínika ida ne'e iha deit meja ho armáriu, maibé kadeira ho facilidade seluk ba paciente sira la iha, liu husi programa PNDS comunidade deside hamutuk hodi halo konstrusaun aumenta sala foun inklui sosa ekipamentus ba paciente sira”, Ancelmo Fernandes, Xefe Suku Lissadila, Postu Administrativu Maubara.

Progresu

Pilotu: Remata ona

Faze 1: Remata ona

Faze 2: Etapa 11 / 12

- Kompleta Konstrusaun
- Enkontru Akontabilidade Final, Auditoria & Evaluasaun.

Faze 3: Etapa 8/9

- Finaliza Kontratu ho Komunidade no Mobilizasaun Trabalhadores hodi implementa Projeitu.


Faze 1 Siklu 2 : Etapa 4/5

- Formasaun Ba EJS
- Determina Prioridade




Prioridade sira Iha Nasionál

Faze 1



Faze 2



- Saude
- Bee Mos no Saneamentu
- Edukasaun, Cultura e Desportu
- Agricultura, Siguranca Alimentar no Buka Moris
- Dalan, Ponte no Kontrolo de Cheias
- Solidariedade Sosial
- Sektor Seluk

Sekretariadu PNDS Apresenta Prosedimentu no Regras Implementasaun Programa ba Diretór Jerais ho Diretór Nasionál Husi Ministeriu Tomak.

Política implementasaun programa PNDS Ne'ebe apresenta husi Koordinator Jeral e Diretór PNDS, Sra. Dulce Guterres Junior, ba Diretores Jerais, Diretor nacionais no Chefe Dep liñas Ministeriais iha enkontru distribuissau envelope fiskál 2016, iha edifísiu Patrimóniu Estado, Balide-Dili (08/07/2015), ho intensaun atu informa ba Lina ministeriu hotu konaba politka implementasaun programa PNDS ho ninia Regras no Prosedimentus hotu tuir Regime Regulatoriu nebe maka defini ona.

Alem de ne'e Directora ne'e moos Akresenta liutan katak Programa ida ne'e responsabilidade Linas Ministeriu hotu maske lidera husi Ministeriu Administrasuan Estatal no Ministeriu finansas Tanba defini oha iha dekreto lei no 1/2014 kona ba Komisaun Koordeasaun Inter-ministerial no Grupo Trablaho Tekniku Inter-Ministerial.

Entertantu Implementasaun programa PNDS ne'e hanesan Política governu nia ho nia objetivu atu aselera dezvoltamentu komunitariu iha Teritoriu tomak Timor Leste no sai hanesan parte ida husi planu governu nian hodi atinji metas Planu Estratéjiku Dezenvolvimentu Nasionál (PEDN 2011-2030). Iha tinan 2015, implementasaun programa PNDS sei Responsbiliza husi Ministeriu Planeamentu Investimentu Estratejiku no Ministeriu Administrasuan Estatal.



Programa PNDS Fó Importánsia Ba Involvementu Feto Iha Prosesu Dezenvolvimentu

Ekipa Tékniku Sosiál PNDS husi Munisípiu Dili, hala'o treinamentu modul F ba Ekipa Jestaun Suku (EJS) kona-ba involvementu feto iha implementasaun Programa Nasionál Dezenvolvimentu Suku (PNDS), Becora-Dili (02/07/2015)

Partisipante sira kontente ho treinamentu nee tanba bele aumenta sira nia abilidade iha area oi-oín. "Treinamentu nee ajuda tebes ami, tanba bele aumenta ami nia koñesimentu oinsá feto mós sai lideransa komunitariu, foti desizaun no bele jere programa iha Suku laran", Dominggas Laura Belo Soares, Chefe EIP Suku Bldau Lecidere, Postu Administrativu Nain Feto. Iha treinamentu ne'e partisipa mós Diretór Delegasaun PNDS Munisípiu Dili, Sr. Tadeu Francisco de A. Soares iha ninia intervensaun hatete katak treinamentu ida ne'e importante tebes ba Ekipa Jestaun Suku (EJS) liu-liu oinsá atu dezenvolve kapasidade involvementu maluk feto sira nia hodi sai hanesan lider iha comunidade, bele foti desizaun nomós bele jere programa PNDS iha Suku laran.

Treinamentu modul F hanesan parte kontinuasaun husi treinamentu modul B ne'ebé espesífiku liu ba iha kapasitasaun ba maluk feto sira ne'ebé assume kargu nu'udar jestor iha Suku hanesan membru EJS nomós Fasilitador feto iha Suku. EJS rasik kompostu husi Komisaun Planeamentu Akontabilidade (KPA), Ekipa Implementasaun Programa (EIP), Ekipa Operasaun Manutensaun (EOM).

Matéria treinamentu ne'e rasik foka liu kona ba oinsá atu hasa'e abilidade involvementu feto iha serbisu ekipa, serbisu entre grupu no oinsá feto bele iha aten barani hodi hato'o ninia opiniaun kona ba dezvoltamentu ne'ebé Komunitade Suku hakarak atu dezenvolve iha sira nian Suku.

Atu hetan informasaun tan:
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl